

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU
Broj: 06 0 K 020291 25 K
Novi Travnik: 15.12.2025. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Darmin Avdić i Denis Trifković, članovi vijeća, uz sudjelovanje zapisničara S. T. u kaznenom predmetu protiv optuženih Nedima Klepić zbog kaznenog djela Ubojstvo iz člana 166. stav 2. tačka d) u vezi sa članom 31. Kaznenog zakona Federacije Bosne i Hercegovine, kaznenog djela Izazivanje opće opasnosti iz člana 323. stav 3. u vezi sa stavom 1. Kaznenog zakona Federacije Bosne i Hercegovine i kaznenog djela Nedoovoljeno držanje oružja ili eksplozivnih materija iz člana 371. stav 1. Kaznenog zakona Federacije BiH a sve u vezi sa članom 54. Kaznenog zakona Federacije Bosne i Hercegovine i Almina Klepić zbog kaznenog djela Ubojstvo iz člana 166. stav 2. tačka d) u vezi sa članom 31. Kaznenog zakona Federacije Bosne i Hercegovine, optuženih po optužnici Kantonalnog tužiteljstva Travnik broj T06 0 KT 0036565 24 od 13.06.2025. godine, nakon održanog glavnog i javnog pretresa dana 4.12.2025. godine, na kojem su bili nazočni kantonalni tužitelj Kantonalnog tužiteljstva iz Travnika Sulejman Selimović, optuženi Nedim Klepić i njegova braniteljica Branka Praljak, odvjetnica iz Novog Travnika, optuženi Almin Klepić i njegov branitelj Dragan Popović, odvjetnik iz Viteza, donio je i dana 15.12.2025. godine, u prisustvu optuženih Nedima Klepić i Almina Klepić, njihovih branitelja Branke Praljak i Dragana Popović i kantonalne tužiteljice Milice Đotlo, javno objavio slijedeću:

PRESUDU

Optuženi

NEDIM KLEPIĆ, zv. „Šeha“, sin Š. i majke H. djev. Z., rođen ...1974. godine u mjestu Donje Krčevine općina Travnik, nastanjen na adresi D. K., općina T., , završio osnovnu školu, po zanimanju NK radnik, nezaposlen, oženjen, otac troje djece, vojsku služio, vodi se u vojnoj evidenciji u Travniku, lošeg imovnog stanja, ..., državljanin ..., JMBG: ..., osuđivan

ALMIN KLEPIĆ, zv. „Pupa“, sin Z. i majke Z. djev. T., rođen ...1998. godine u Travniku, nastanjen u mjestu D. K. b.b., općina T., pismen, završio osnovnu školu, po zanimanju stočar, poljoprivrednik, razveden, otac dvoje mldb. djece, nije služio vojsku, ne vodi se u vojnoj evidenciji, lošeg imovnog stanja, po nacionalnosti ..., državljanin ..., JMBG: ..., neosuđivan

KRIVI SU

Što su:

Nedim Klepić i Almin Klepić zajedno:

1. Dana 26.12.2024. godine u vremenskom periodu između 22,00 i 22,30 sati, u mjestu D. K.- K., općina T., po prethodnom dogovoru i zajedno, u namjeri da liše života oštećenog M. Z., kako bi osvetili A. K., sina Nedima Klepić, a stričevića Almina Klepić, kojeg je 2014. godine lišio života M. Z., gdje je osuđen Presudom Kantonalnog suda u Novom Travniku broj: ... godine te zatvorsku kaznu izdržao, došli do ugostiteljskog objekta (...) u čijem sklopu se nalazi sportska kladionica, u kojem se u tom trenutku nalazilo više gostiju i zaposlenih, te nakon što se osumnjičeni Nedim Klepić uvjerio da se u objektu nalazi oštećeni M. Z., po ranijem dogovoru prvo u ugostiteljski objekat ušao Almin Klepić sa pripremljenom pivskom bocom ispod jakne prišao oštećenom M. Z. koji je sjedio za šankom i ne govoreći ništa oštećenom izvukao bocu ispod jakne bocom ga udario u predjelu glave, od čega se ista razbila, a potom uzeo stolicu koja se nalazila u objektu i pokušao udariti oštećenog M. Z., svjestan da tim udarcem može usmrtiti oštećenog M. Z. i onesposobiti ga za odbranu, i htio to, od kojih udaraca je oštećeni zadobio oguljotinu kože u gornjem lijevom jagodičnom predjelu promjera oko 1.4x2cm i krvni podliv kože i potkožja unutarnje strane središnjeg dijela lijeve podlaktice promjera 3x4cm, i na taj način onesposobio oštećenog M. Z. za odbranu, nakon čega je po ranijem dogovoru u ugostiteljski objekat ušao Nedim Klepić sa već pripremljenom automatskom puškom marke Crvena zastava, model M70AB2, cal.7,62x39mm, serijskog broja ..., i krećući se prema šanku i usmjeravajući dugocjevno oružje u pravcu oštećenog M. Z., koji je već bio onesposobljen za odbranu, na udaljenosti oko 1,5 metar, ispalio u njega tri hitca, a zatim zbog zaglavljenog metka u cijevi puške, okrenuo pušku i kundakom iste jako zamahnuo i udarao oštećenog M. Z. u predjelu glave, dok je isti sa prostrelnim ranama ležao na podu, svjestan da pucanjem iz vatrenog oružja iz neposredne blizine u tijelo oštećenog M. Z. može istog usmrtiti, i htio to, od kojih hitaca i udaraca je oštećeni M. Z. zadobio strijelnu ozljedu tipa zastrijela lijevog bočno tjemenog predjela glave, strijelnu ozljedu tipa zastrijela vrata i gornjeg dijela leđa sa ulaznim otvorom u koži desne bočne strane vrata, te strijelnu ozljedu tipa prostrijela grudnog koša sa ulaznim otvorom na njegovoj prednjoj lijevoj strani, zatim nekoliko prskotina kože vanjske strane središnjeg dijela lijeve uške, nagnječenje kože u predjelu prednje gornje bodlje crijevnne kosti karlice desno i manji krvni podliv i oguljotinu kože nadlanske strane u gornjem dijelu desnog ručnog zgloba, koje nastale ozljede su usljed unutarnjeg iskrvarenja dovele do nasilne smrti oštećenog, nakon čega su osumnjičeni Almin i Nedim Klepić pobjegli sa lica mjesta u nepoznatom pravcu gdje je Nedim Klepić sa sobom odnio automatsku pušku iz koje je pucao, koja je prilikom vršenja pretresa od strane policijskih službenika MUP-a SBK pronađena i oduzeta po usmenoj Naredbi za pretresanje stana i drugih prostorija, osoba i pokretnih stvari Kantonalnog suda u Novom Travniku.

Nedim Klepić, sam

2. Dana 26.12.2024. godine u vremenskom periodu između 22,00 i 22,30 sati u mjestu D. K., općina T., u ugostiteljskom objektu (...), u čijem sklopu se nalazi sportska kladionica i u kojem se u to vrijeme nalazilo veći broj ljudi i to: vlasnik objekta B. S., N. S., B. C., E. Z., N. H., F. P., E. S., A. M., F. R., kao i drugi mještani K. i okolnih mjesta, ušao u objekat i iz neposredne blizine ispalio tri hitca u pravcu oštećenog M. Z. iz automatske puške marke Crvena zastava, model M70AB2, cal. 7,62x39 mm, serijskog broja ..., koji se nalazio za šankom sa drugim osobama, svjestan da pucanjem iz vatrenog oružja-automatske puške na mjestu gdje je okupljen veći broj ljudi može izazvati opasnost za život tih ljudi i iste ozlijediti koji mu se nađu na putu i pristao na to, uslijed čega su dijelovi ispaljenih metaka načinili udubljenja na zidu objekta, gdje je time izazvao opasnost za život ljudi na mjestu gdje je okupljen veći broj ljudi.

3. Dana 26.12.2024. godine u mjestu D. K., općina T., suprotno odredbi člana 7. stav 2. i člana 8. stav 1. tačka a) Zakona o nabavljanju, držanju i nošenju oružja i municije SBK

(Službene novine SBK/KSB 11/2000, 12/2014, 10/2022), neovlašteno nabavio i držao automatsku pušku marke Crvena zastava, model M70AB2, cal.7,62x39 mm, serijskog broja ... sa okvirom za municiju od 23 metka kao i protivpješadijsku minu-antimagnetna 2 (PMA- 2) sa eksplozivnim punjenjem i zaštitnim čepom, a koje oružje, municiju i eksplozivnu napravu je u ranijem periodu na neutvrđen način neovlašteno nabavio, svjestan da nabavka i držanje predmetnog vatrenog oružja, municije i eksplozivne naprave građanima uopće nije dozvoljena, i htijući to, nakon čega su policijski službenici MUP-a SBK postupajući po usmenoj naredbi za pretresanje stana i drugih prostorija, osoba i pokretnih stvari Kantonalnog suda u Novom Travniku od 27.12.2024. godine navedeno oružje sa municijom pronašli u pmv. marke Iveco reg. oznaka ..., koji koristi Nedim Klepić, a u njegovom pomoćnom objektu-šupi pronašli eksplozivnu napravu, koje oružje sa municijom i eksplozivna naprava je oduzeta od osumnjičenog uz izdatu potvrdu o privremenom oduzimanju predmeta.

Čime su počinili:

1. Nedim Klepić, kazneno djelo Ubojstvo iz člana 166. stav 1. u vezi sa članom 31. Kaznenog zakona Federacije Bosne i Hercegovine, (opisano pod tačkom 1.), u sticaju sa kaznenim djelom Izazivanje opće opasnosti iz člana 323. stav 3. u vezi sa stavom 1. Kaznenog zakona Federacije Bosne i Hercegovine (opisano pod tačkom 2.) i kaznenim djelom Nedožvoljeno držanje oružja ili eksplozivnih materija iz člana 371. stav 1. Kaznenog zakona Federacije Bosne i Hercegovine (opisano pod tačkom 3.), a sve u vezi sa članom 54. istog zakona.
2. Almin Klepić, kazneno djelo Ubojstvo iz člana 166. stav 1. u vezi sa članom 31. Kaznenog zakona Federacije Bosne i Hercegovine (opisano pod tačkom 1.).

Pa Sud optuženom Nedimu Klepić, na osnovu članka 54. st. 1. Kaznenog zakona Federacije Bosne i Hercegovine, u t v r đ u j e

Za kazneno djelo Ubojstvo iz člana 166. stav 1. u vezi sa članom 31. Kaznenog zakona Federacije Bosne i Hercegovine kaznu zatvora u trajanju od 15 (petnaest) godina

Za kazneno djelo Izazivanje opće opasnosti iz člana 323. stav 3. u vezi sa stavom 1. Kaznenog zakona Federacije Bosne i Hercegovine, kaznu zatvora u trajanju od 1 (jedne) godine

Za kazneno djelo iz Nedožvoljeno držanje oružja ili eksplozivnih materija iz člana 371. stav 1. kaznu zatvora u trajanju od 6 (šest) mjeseci

Sud na osnovu istih zakonskih propisa, te uz primjenu članka 42, 43, 49., 54. st. 2. točka b) Kaznenog zakona Federacije Bosne i Hercegovine, kao i uz primjenu odredbe čl. 300. Zakona o kaznenom postupku Federacije Bosne i Hercegovine

optuženog NEDIMA KLEPIĆ

OSUĐUJE

NA JEDINSTVENU KAZNU ZATVORA U TRAJANJU
OD 16 (šesnaest) GODINA i 3 (tri) MJESECA

optuženog ALMINA KLEPIĆ

OSUĐUJE

NA KAZNU ZATVORA U TRAJANJU OD 6 (šest) GODINA

Na temelju članka 57. stav 1. Kaznenog zakona Federacije Bosne i Hercegovine optuženima se u izrečene kazne ima uračunati vrijeme koje su proveli u pritvoru počev od 26.12.2024. godine pa do upućivanja na izdržavanje kazne.

- Na osnovu člana 78. stav 1. Kaznenog zakona Federacije Bosne i Hercegovine od optuženog Nedima Klepić se trajno oduzima privremeno oduzeta automatska puška marke Crvena zastava, sa okvirom za municiju i 14 metka, zatim čahure, dijelovi deformiranog metka i protupješađijska mina-antimagnetna 2 (PMA- 2) sa eksplozivnim punjenjem i zaštitnim čepom, kao i stolica kao sredstva izvršenja kaznenog djela, te se istovremeno određuje da se isti imaju uništiti po pravomoćnosti presude.

- Temeljem odredbi članka 202. stav 4. Zakona o kaznenom postupku Federacije Bosne i Hercegovine optuženi se djelomično oslobađaju od obveze naknade troškova kaznenog postupka, koji se odnose na obvezu plaćanja nagrade i nužnih izdataka postavljenih branitelja po službenoj dužnosti, dok se istovremeno solidarno obvezuju na naknadu troškova pristupa svjedoka u visini od 52,80 KM, troškovi Kantonalne bolnice Zenica u iznosu od 6,40 KM, troškove po troškovniku Kantonalnog tužiteljstva (obdukcija 875,00 KM, ostali troškovi na teret poslodavca 162,70 KM, asistent pri obdukciji 225,00 KM, ostali troškovi na teret poslodavca 162,70 KM, sudsko medicinsko vještačenje u visini od 540,00 KM, ostali troškovi na teret poslodavca 100,41) u iznosu od 1.944,95 KM, troškove obrazlaganja nalaza vještaka medicinske struke u iznosu od 382,00 KM što ukupno iznosi 2.386,15 KM, kao i na ime paušala u iznosima od po 200,00 KM, sve u roku 15 dana po pravomoćnosti Presude.

Nakon toga sud donosi

Rješenje

Prema optuženima Alminu Klepić i Nedimu Klepić, sa ostalim podacima kao u spisu, a primjenom člana 152. stav 1. i stav 3. Zakona o kaznenom postupku Federacije Bosne i Hercegovine, produžava se pritvor koji po ovom rješenju može trajati najduže 9 mjeseci počev od 15.12.2025. godine, o čemu će sud sačiniti posebnu odluku.

Zapisničar

Predsjednica vijeća
Lazarela Porić